



Anthon Frederiksen
Inatsisartunut ilaasortaq

**Sanalukkat, mittarfinnut aqqusernit aamma unnuisarfiit pillugut § 37
naapertorlugu apeqqummut nr. 186-imut akissuteqaat**

05-08-2016
Sags nr. 2016 - 11435

Sanalukkanik akuersissuteqartarnermut, Ilulissani mittarfimmut aqqusinermit kiisalu unnuisarfinnut atatillugu pissutsit assigiinngitsut pillugit Inatsisartut suleriaasianni § 37 imm. 1 naapertorlugu Naalakkersuisunut apeqquqateqarputit. Apeqqutit suliaasaqarfinni akissuteqarfigineqartussanngorlugit innersuunneqarput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Naalakkersuisunut apeqquq:

**1. Assassorlutik kusanartuliortartut pikkorisut suliaasa takornarianut
tunineqarnerini nunatsinniit sanalukkanik annissinissamut
akuersissutit soq taama arriitsigisumik suliarineqartarpat?**

Akissut:

*Akissuteqaat Pinngortitamut, Avatangiisinut Nukissiuuteqarnermullu
Naalakkersuisumit Mala Høyr Kúko-mit akissutigineqarpoq.*

Kalaallit Nunaat uumasunik ulorianartorsiortunik nunani tamalaani niueruteqarnermut isumaqatigiisummut (CITES) akuersisimavoq. Tamatuma kingunerisaanik suut nunamit anninneqarsinnaanersut killilersuisoqarpoq.

Taamaattumik uumasut sunnertiasut ilaannit tunisassianik annissiniaraanni immikkut ittumik akuersissummik pissarsinissaq pisariaqarpoq, kiisalu uumasunik allanik annissinissamut akuersissummik tunniussisoqarsinnaanani. Assersuutigalugu uumasooq nungusaataannngitsumik atorneqartoq nalunaarutigineqarsimannngippat, tamanna pisinnaanngilaq. Uumasooq nungusaataannngitsumik

atorneqarsinnaasoq nalunaarutigineqarpat, tamanna uumasumik nungusaataanngitsumik atuineq, aammalu uumasumit tunisassiamit avammut annissinerup uumasut piujuarnissaanut sunniuteqartussaannginnera tunngavigalugu ingerlatsisoqarsinnaavoq.

Pinngortitamut, Avatangiisinut Nukissiuuteqarnermullu Naalakkersuisoqarfik CITES-imut immersugassanik, tammajuitsussanik pisiniarfinni uumasunit avammut annissinissamut akuersissummik pisariaqartitsiviusunit sanalukkanik tunisinermut atatillugu immersorneqartartussanik tunniussisarpoq. CITES-imut immersugassanik inniminniisoqartillugu sanalukkanik tuniniaaviit pitsaanerpaamik sullinneqarnissaat Naalakkersuisoqarfimmit anguniarneqarpoq. Kisiannili CITES-imut immersukkat naqinneqarnerinut atatillugu piffissamik atuisarnissaq naatsorsuutigineqartariaqarpoq, taamaattumillu tuniniaaviit piffissap takornariaqarfiusup aallartinnginnerani piffissaalluarallartillugu immersugassanik piniartarnissamut kajumissaarneqarput.

2. Sooruna takornariartitsinermik suliaqartunut kalaallit kusanartuliaasa nunatsinniit avammut anninnissaannut akuersissutinik tunisiniartarneq taama ajornartorsiornartigisoq?

Akissut:

Akissuteqaat Pinngortitamut, Avatangiisinut Nukissiuuteqarnermullu Naalakkersuisumit Mala Høy Kúko-mit akissutigineqarpoq.

Apeqqut 1-imut akissuteqaat innersuunneqarpoq.

3. Ilulissani mittarfiup tallineqarnissaanut atatillugu Ilulissani mittarfiup tungaanut aqquserngup silillineqarnissaa Naalakkersuisunit pilersaarutigineqarpa?

Akissut:

Akissuteqaat Ineqarnermut, Sanaartornermut Attaveqaqatigiinnermullu Naalakkersuisumit Knud Kristiansen-imit akissutigineqarpoq.

Aqqusernit tunngaviusumik kommunit susassaqarfigaat. Kisiannili mittarfiliortiternernut atatillugu sanaartorfiit tungaannut nutaanik aqquserniortoqartarnissaa naatsorsuutigineqarpoq, taakkulu soorunami kommunit aqqusernini attaveqaatinut ataqatigiissaariffigalugit suliarineqassapput.

4. Sumiiffinni assigiinngitsuni takornariaqarnikkut siuarsaanermut atatillugu Naalackersuisut sumiiffinni assigiinngitsuni unnuisarfeqarnikkut annertusaaneq eqqarsaatigalugu qanoq pilersaaruteqarpat ?

Akissut:

Naalackersuisut nunami namminermi takornariatitsisarnermut periusissaq nutaaq akuereerpaat taaguuteqartoq

”Takornariatitsinermik Kalaallit Nunaanni ineriartortitsineq - Suut iliuusaasariaqarpat?”.

Periusissiami allassimasutut, inuussutissarsiortunut atugassarititaasunut killissaliussat pitsanngorsarneqarnissaat aallullugu aammalu attaveqarnermi pisariaqartumi taamaalillunilu Kalaallit Nunaata siunissaani aningaasaliisarnerit siuarsarneqarnerisigut, takornariatitsisarnermi siuarsaanissamut periarfissaqarfiusut annertuut tunngavissinneqassasut, Naalackersuisut politikikkut anguniagaraat.

Taamaattumik Naalackersuisut siullermeertumik takornariatitsisarnermut suliassaqarfimmi atituumik suliniuteqarnissamut aningaasassanik annertuunik immikkoortitsipput. Takornariatitsisarnermik siuarsaaneq taamaallaat annertoorsuarmik nittarsaassinissamut missingersuuteqarnissamut tunngassuteqanngilaq – attaveqarnerup pitsanngorsarneqarnissaa aammalu misigisassarsiornissamik neqerooruteqarnerit annertusarnissaat aamma annertuumik pineqarput.

Suliassaqarfiit ilaat takornariatitsisarnerup siuariartorneranik sunnerneqartussaag tassavaoq akunnittarfinnut suliassaqarfik. Akunnittarfinnut suliassaqarfik tassunga atatillugu, takornariat unnuinissamut periarfissaqarnerattut atisuumik paasineqassaaq. Siuariartortitsinermik pilersitsiniarluni mittarfiit ilusiligaanerannik allangortitsineq, unnuisarfinni inissaqartitsinerup annertusarneranik malitseqartinneqartariaqarpoq.

Mittarfiit ilusiligaaneranni allangortitsineq takornariatitsinermik suliassaqarfimmut pitsaasumik, taamaalillunilu akunnittarfinni inissaqartitsinermik ujartuinnermut, sunniuteqartussaavoq. Aamma naliliisoqarpoq suliassaqarfimmi suliqaartut ujartuinerup taamatut annertunerulernera naammassiniarlugu namminneerlutik pisariaqartunik aningaasaliisinnaasut.

Taamaalillutik Naalackersuisut naliliipput, suliassaq inuussutissarsiortunit namminersortunit isumagineqassasoq. Ilaatigut akunnittarfinni inissaqartitsinermi namminersortut aningaasaliinissaannut aningaasaqarnikkut soqutiginnitsitsilernissaq siunertaralugu, takornariartitsisarnermi siuariartortitsinissamut pitsaasumik atugassaqartitsinissaq Naalackersuisut suliassaraat.

Inussiarnersumik inuulluaqqusillunga

Vittus Qujaukitsoq